

DAP bayar harga logo, serah 2 kerusi pada PKR
MalaysiaKini.com
April 19, 2013
By Kow Gah Chie

Sehari sebelum penamaan calon, DAP Sarawak dan PKR hari ini menyelesaikan pertindihan di tiga kerusi dengan DAP menyerahkan Miri dan Sri Aman sementara PKR bersetuju tidak bertanding di kawasan Cina di Stampin.

Ini bermakna, Pakatan Rakyat mencapai persetujuan supaya berlakunya pertandingan satu lawan satu dengan BN.

Ketua DAP Sarawak Wong Ho Leng (kanan) memaklumkan persetujuan itu dalam sidang media di Sibu hari ini.

"Kami akan benarkan PKR bertanding di Miri (dan Sri Aman). Jika kami bertanding di kerusi itu, kami harus menggunakan logo PKR. Adakah kamu akan pinjamkan logo kamu untuk kami bertanding dengan kamu?" katanya.

"Manusia merancang tapi Tuhan menentukan, parti tiada pilihan," katanya ketika ditanya sama ada ia bermaksud DAP tunduk kepada PKR.

Ekoran masalah dengan Pendaftar Pertubuhan, DAP hari ini memutuskan bertanding menggunakan logo PKR di Sabah dan Sarawak.

Copyright © 1999-2012 Mkini Dotcom Sdn. Bhd
Source: <http://www.malaysiakini.com/news/227389>